

Premi “ANDREINA E LUIGI CICERI” XVIII edizion – 2017

CONCORS PAR SCRITS E MATERIÂI MULTIMEDIÂI SU ASPIETS DE CULTURE E DAL TERITORI DAL FRIÛL

- 1 La Societât Filologjiche Furlane, par iniziative e dotazion di Andreina Nicoloso Ciceri, e da fûr ogni doi agns l'avîs di concors par assegnâ un premi a contribûts sientifics che a rivuardin aspiets de culture e dal teritori dal Friûl. Il Premi al è intitulât ai studiôs de culture tradizionâl dal Friûl Luigi Ciceri e Andreina Nicoloso Ciceri.
- 2 Il Premi al è spartît in dôs sezions: scrits (saçs libars, tesis di lauree magjistrâl e di dotorât) e materiâi multimedîai (documentaris, filmâts pe cognossince e la valorizazion dal Friûl, struments interatîfs). I lavôrs che a concorin a àn di jessi inediti e a àn di riferîsi a aspiets de culture e dal teritori dal Friûl tant che: storie, gjeografie, architetture rurâl, paisaç, turisim, economie pal disvilup dal teritori, tradizions popolârs e lenghistiche furlane. I lavôrs a àn di vê caratar sientific, no leterari, no memorialistic, o parei.
- 3 La borse-premi pe XVIII edizion e je di 3.000 Euro; la Jurie e pues spartî la cifre tra lis dôs sezions dal Premi.
- 4 I lavôrs a àn di jessi presentâts dentri dai **21 di Lui dal 2017**. Pes domandis mandadis cu la pueste, e vâl la date dal bol postâl. I lavôrs a varan di rivâ cence indicazion dal non dal autôr ae sede de Societât Filologjiche Furlane (vie Manin, 18 – 33100 Udin) intal temp indicât, in cinc copiis marcadis di un titul e di un sproc, intal formât indicât tal art. 5; intune buste sierade zontade ai lavôrs e marcade dal stes sproc, il concorint al varà di indicâ i siei dâts e lis sôs direzions (direzion di cjase, numar di telefon, direzion di pueste eletroniche), doprant il model che si pues discjamâ dal sít de Societât Filologjiche, **www.filologicafriulana.it**.
- 5 Pai scrits – saçs e tesis – si domande une copie su cjarte e cuatri copiis digijitâls (CD o DVD), in formât word o pdf. Pe sezion dai materiâi multimedîai si domandin cinc copiis dutis su supuart informatic (DVD). In dut câs, i lavôrs no saran tornâts.
- 6 Il judizi de Jurie, mutivât e insindacabil, al sarà comunicât inte sierade dal 2017. La Jurie e darà prin di dut un judizi di amission al Premi, po e fasarà une graduatorie mutivade tignint cont de origjinalitât dal lavôr rispiet al setôr di ricercje sielt, de conformitât te maniere di doprâ lis fonts, dal supuart bibliografic, de atenzion comparativa, de cualitât e de origjinalitât dal supuart iconografic, se al è, de cualitât de scriture.
- 7 Une copie di ogni lavôr metût a concors e restarà inte Biblioteche de Societât Filologjiche Furlane: pene la esclusion dal concors, ogni lavôr al varà di jessi compagnât de liberatorie che si discjame dal sít internet de Societât. Garantint che i dirits a restaran dai singui autôrs, sintude la Jurie e in acuardi cul autôr, la Societât si riserve di publicâ/segnalâ il/i lavôrs premiâts, nomenant il premi otignût.

Par informazions domandâ

ae Biblioteche de Societât Filologjiche Furlane

tel. 0432/501598 int. 2, fax 0432/511766,

biblioteca@filologicafriulana.it - www.filologicafriulana.it

Societât
Filologjiche
Furlane



Società
Filologica
Friulana